


**IKA-7 ARALIN**



**PAANO NATIN  
MALALAMAN NA  
ANG BIBLIA AY  
SALITA NG DIYOS**



### Ika-131 Tanong

Naitanong mo na ba sa iyong sarili: "Paano ko malalamang ang Biblia ay totoo?" Nais mo bang tulungan ang isang kaibigan na mayroong mga alinlangan tungkol sa pagkasi ng Espiritu Santo sa Biblia? Mayroon bang nagsisikap na sumira sa iyong pananampalataya sa Biblia? Kung gayon, ang araling ito ay sadyang ukol sa iyo.



### Ang Suliranin

Ang unang tukso na iniharap sa tao ay nag-simula sa pagbibigay alinlangan sa Salita ng Diyos. Ang diablo ay patuloy na nagmumungkahi ng ganoon ding pag-alinlangan sa Salita ng Diyos: "Tunay bang sinabi ng Diyos?"

### Ika-132 Takdang Aralin at Tanong

Basahin ang Genesis 3:1. Ano ang tanong ng ahas kay Eba (na siya ring itinatanong ni Satanas sa mga lalaki at babae ngayon?)

- "Nasaan ang Diyos?"
- "Bakit mo pinag-lilingkuran ang Diyos?"
- "Tunay bang sinabi ng Diyos?"

### Ika-132 Sagot

---



---



---



---



---



---



---

*Paano Natin Malalaman Na Ang Biblia Ay Salita Ng Diyos?***Ang Suliranin**

Ang Salita ng Diyos ay ating pananggalang laban sa diablo. Kaya nga si Satanas ay nagsisikap na alisan tayo ng sandata at talunin tayo sa pamamagitan ng pagbaticos sa ating pananampalataya sa Biblia.

**Ika-133 Tanong**

**Sinisikap ni Satanas na pag-alinlanganan natin ang pagkasi ng Espiritu Santo sa Biblia upang:**

- a) tayo ay sumagana at maging maligaya.
- b) maalisan tayo ng sandata at gawin tayong kanyang mga biktima.
- k) tayo ay maging higit na matalino, at higit na makaagham.
- d) tayo ay makalalapit sa Diyos.

**Ika-133 Sagot**


---



---



---



---



---



---



---

**Ang Suliranin**

Ang ibang mga makabago o liberal na kaanib ng iglesya ay nawalan na ng pananampalataya sa Biblia. Ang iba ay tinatawag pa ito na katipunan ng mga pabula, mga alamat at mga kuwentong di-totoo at hindi kinasihang Salita ng Diyos.

**Ika-134 na Tanong**

**Ang ibang mga makabagong tao sa iglesya at mga guro (professor) ay sumisira sa pananampalataya ng iba sa pamamagitan ng pagtuturo na ang Biblia ay**

- a) ang tiyak na Salita ng Diyos.
- b) ang ating sandata laban kay Satanas.
- k) katipunan ng mga alamat at mga pabula o mga kuwentong di-totoo.

**Ika-134 na Sagot**


---



---



---



---



---

**Ang Suliranin**

Ang bawa't Cristiano ay mahaharap sa katanungan ng iba o sa katanungan ng kanyang sariling puso: "Paano mo malalaman na ang Biblia ay ang Salita ng Diyos?" Hanapin natin ang katugunan.

**Ika-135 Takdang Aralin**

Basahin ang talatang ito ng tatlong ulit, at saka salunguhitan ito sa iyong Biblia.

Humanda kayong lagi na magpaliwanag sa sinumang magtatanong sa inyo tungkol sa inyong pag-asa. Nguni't maging mahinahon at mapitagan kayo sa inyong pagpapaliwanag. Panatilihin ninyong malinis ang budhi. I Pedro 3:15, 16.

**Ika-135 Sagot**


---



---



---



---



---



---

**Mga Katibayan**

Mayroong siyam na katibayan na ang Biblia ay kinasihan ng Diyos.

**Ika-136 na Takdang Aralin**

Kopyahin ang mga Katibayang Ito

1. Mga Bunga
2. Pagkakaiba-iba at pagkakaisa
3. Walang mali
4. Mga pagkakatuklas
5. Kahusayan
6. Pangalan ng Mayakda
7. Pagkatupad ng Hula
8. Pag-aalis ng mapamimilian
9. Pagkakaaligtas





*Paano Natin Malalaman Na Ang Biblia Ay Salita Ng Diyos?*

**Mga Bunga**

Ang kahima-himalang (supernatural) mga bunga ng Biblia ay mga katibayan ng kahima-himalang pinagmulan nito. Ang katuparan ng mga pangako nito ay nagpapatibay na ang mga ito ay tunay at mapapanaligan.

**Ika-137 Tanong**

Ang mahimalang pagpapagaling, pagkahango mula sa pagkasugapa sa opyo at mga inuming may alkohol, ang pagbabago ng buhay, milyong mga katugunan sa panalangin batay sa mga pangako sa Biblia ay mga bahagi ng mga b. . . nito, na siyang himihikayat sa atin na ang Diyos ang gumawa ng mga pangako.

**Ika-137 Sagot**

---



---



---



---



---



---

**Mga Bunga**

Sinasabi ng ibang tao "batid ko na ang Biblia ay kinasihan ng Diyos sapagka't ako ay kinasihan nito." Ang Diyos ay nangungusap sa atin sa pamamagitan ng Biblia, nagbabago ng buhay at nagtataas ng mabuting pamantayan ng mga bansa.

**Ika-138 Tanong**

Ang bunga ng pagbabasa ng Biblia, na bumabago ng buhay tungo sa higit na mabuti ay nagpapatibay ng mga pook, at nagpapasigla sa pagiging maka-Diyos, ay katibayan na ito ay

- a) Aklat ng Diyos na sa pamamagitan nito Siya ay gumagawa sa tao.
- b) Isang tusong panda-  
raya.
- k) tulad lamang ng ibang mga aklat.

**Ika-138 Sagot**

---



---



---



---



---



---



### Mga Bunga

Halimbawang sumulat ang isang kaibigan na nagaanyaya sa iyo upang tagpuin siya sa himpilan ng bus sa isang tiyak na oras. Ikaw ay pumunta doon at siya ay dumating. Pag-aalinalanganan mo ba na siya ang sumulat sa iyo?

### Ika-139 Tanong

Ang karanasan ng mga nakatagpo sa Diyos ng kanilang sinunod ang mga tagubilin sa Biblia ay katibayan na

- ang isang bagay ay mahirap ipaliwanag
- ibinigay ng Diyos ang mga tagubilin.
- ang kakatuwang mga pagkakataon ay nagaganap.

### Ika-139 na Sagot

---



---



---



---



---



---



---



---

### Mga Bunga

Ang mga tao ay nani-niwala sa Biblia sapagka't nakikita nila na ang mga tuntunin nito sa buhay ay nagbubunga ng mga pangyayari na hinulaan nito sa pamamagitan ng babala o pangako.

### Ika-140 Takdang Aralin

Basahin ang Marcos 16:14-20 at salunguhitan sa iyong Biblia ang talatang 20, Humayo nga ang mga alagad at nangaral sa lahat ng dako. Tinulungan sila ng Panginoon sa gawalng lito. Pinatotohanan Niya ang Salitang kanilang ipinangangaral sa pamamagitan ng kapangyarihang gumawa ng himala na ipinagkaloob Niya sa kanila. Marcos 16:20



*Paano Natin Malalaman Na Ang Biblia Ay Salita Ng Diyos?***Pagkakaiba-iba at Pagkakaaisa**

Ang pagkakaaisa ng paksa at ang pagkakatugma ng pagtuturo sa pamagitan ng pagkakaiba-iba ng mga manunulat ay katibayan na sila ay kinasihan ng isang ka-tauhan, ang Diyos.

**Ika-141 Tanong**

Narito ang apatnapung lalaki na sumulat ng Biblia: mga doktor ng batas at medisina, mga mangingisda, mga hari, mga magsasaka, mga makata, mga sundalo, mga mangangalakal at mga pastol. Dahil sa pag..... ng kanilang karanasan at hilig, mahirap magkaroon ng kaisahan ang kanilang mga aklat.

**Ika-141 Sagot**


---

---

---

---

---

---

---

---

---

---

**Pagkakaiba-iba at Pagkakaaisa**

Balikang muli ang mga balangkas ng impormasyon at tanong, bilang 17 hanggang 21 sa aklat na ito. Isipin mo kung anong uring aklat ang masusulat ng 40 tao nang walang tulong kakaninuman.

**Ika-142 Tanong**

Bu...  
Pagka.... at  
Pag...  
Mga Pagkatuklas  
Kahusayan  
Walang mali  
Pangalan ng sumulat  
Pagkatupad ng Hula  
Pag-aalis ng mapamimilian  
Pagkakaaligtas

**Ika-142 Sagot**


---

---

---

---

---

---

---

---

---

---



*Ang Iyong Biblia*

### Walang Mali

Ang Biblia ay walang mali, o malaya sa pagkakamali, ito'y sumasaklaw sa pagkakatugma ng mga makasaysayang pangyayari, mga tao, mga pook, mga saling lahi, kaugalian at mga pangyayaring pampulitika.

### Ika-143 Tanong

Ang mga alamat ay walang pagkakatugma sa kasaysayan, subalit ang Biblia ay merong pagkakatugma. Kaya nga ang kawalan ng pagkakamali ng Biblia ay sapat na katibayan upang ito'y

- a) pagsandigan ng ating pagtitiwala.
- b) sabihing isang kalipunan ng mga alamat.

### Ika-143 Sagot

---



---



---



---



---

### Walang Mali

Pinatnubayan ng Diyos ang mga manunulat upang huwag mapasa Biblia ang mga maling paniniwala ng kanilang kapanahunan. Iningatan Niya ito sa pagkakamali. Ang mga payo nito ay magagamit hanggang ngayon.

### Ika-144 Tanong

Sa pagsagana ng kaalaman, ang mga maling palagay ay itinakwil. Ang mga aklat-pampaaralan ay binabago. nguni't hindi ang Biblia. Ang mga manunulat ay may mga maling palagay na bunga ng kanilang kapanahunan, nguni't iningatan sila ng . . . upang ang mga maling palagay na ito ay huwag maisama sa Biblia.

### Ika-144 na Sagot

---



---



---



---



*Paano Natin Malalaman Na Ang Biblia Ay Salita Ng Diyos?***Walang Mali**

Bagama't hindi mangyayaring magkatulad ng isipan ang dalawang tao, iningatan ng Diyos ang isipan ng mga manunulat upang huwag silang magkasalungatan sa paglalahad ng kaniyang paksa.

**Ika-145 Tanong**

Ang kaisahan sa Biblia ay nagpapatunay na ito'y

Ito'y isa sa mga ka — na kinasihan ng Diyos ang mga manunulat ng dapat nilang isulat.

**Ika-145 Sagot**


---



---



---



---

**Walang Mali**

Ang maraming kamalian sa kasaysayan ay bunga ng pagtatakip ng mga manunulat sa kasalanan ng kanilang mga bayani at ng kanilang mga bayan. Ang Biblia ay walang kinikilingan at tumpak, na ipinakikita ang panig ng Diyos.

**Ika-146 Tanong**

Bilang kasaysayan ng bansang Hebreo, nakatala sa Biblia ang mga kasalanan at kaparusahan ng bansang Ito at ng kanyang mga bayani. Ito ay

- a) bahagi ng uri ng kasaysayan.
- b) bahagi ng kawalan ng kamalian at ito'y naisulat mula sa panig ng Diyos.

**Ika-146 na Sagot**


---



---



---



---



### Mga Pagkatuklas

Sinasabi ng mga makabago na ang maraming pangyayari sa Biblia ay di-totoo pagka't ito'y di binabanggit sa mga kasaysayang pangmundo.

### Ika-147 Tanong

Ayon sa mga makabagong mapamuna, may ilang tala sa Biblia na hindi totoo, o mga alamat lamang sapagka't

- a) sinasalungat nito ang mga kasaysayang pangmundo.
- b) hindi binabanggit sa iba'ng mga talang pangkasaysayan.
- k) n a p a k a h i r a p paniwalaan.

### Ika-147 Sagot

---



---



---



---



---

### Mga Pagkatuklas

Ang Arkeolohiya ay makabagong pag-aaral tungkol sa mga lumang bagay tulad ng paghuhukay sa matatandang lungsod. May mga natuklasan itong mga manuskrito at monumento na nagpapatunay na mga tala ng Biblia ay tunay.

### Ika-148 Tanong

Ang makasiyentipikong paghuhukay at pag-aaral ng lumang mga monumento, mga kasulatan at iba pang mga maliit na babasaging bagay ay nagpapatunay sa kasaysayan ng Biblia. Ang pagkakatuklas na lito ay utang sa pag-aaral ng

- a) astronomiya
- b) palalupaan
- k) arkeolohiya
- d) palawikain

### Ika-148 Sagot



*Paano Natin Malalaman Na Ang Biblia Ay Salita Ng Diyos?***Mga Pagkatuklas**

Mula nang matuklasan ang lalagyan ng mga kayamanan ni Salomon hindi na pinagtatawanan ng mga manlilibak ang mga tala ng Biblia sa kanyang kayamanan. Ang iba pang pagkatuklas ay nagpapatunay na ang Biblia ay totoo.

Ang mga namimintas ng Biblia ay natalo sa marami nilang pagmamatuwid laban dito dahil sa bagong... ng arkeolohiya ay nagpapatunay na ang Biblia ay tama at ang mga namimintas ang mali.

**Ika-149 na Sagot**


---



---



---



---



---



---

**Mga Pagkatuklas**

Pinatutunayan ng maraming dalubhasa sa medisina na ang mga bagay ukol sa kalinisan, wastong pagkain at mga wastong pag-iisip na itinatagubilin ng Biblia ay mahusay sa kalusugan.

**Ika-150 Tanong**

Ayon kay Moises tinanggap niya buhat sa Diyos ang mga tuntunin sa kalinisan, at wastong pagkain para sa mga Hebreo. Natuklasan ng mga ma kabagong siyentipiko na ito ay:

- a) katawa-tawa at laban sa kalusugan.
- b) pinakamahusay para sa kalusugan.

**Ika-150 Sagot**


---



---



---



---



### Mga Pagkatuklas

Pinatutunayan ng Palawikain (Philology), ang pag-aaral ng mga wika, na lahat ng mga hula sa Biblia ay naisulat na bago pa man nangyari ang kanilang inihula.

### Ika-151 Tanong

Pinilit ng mga kalaban ng Biblia na patunayang huwad ang lahat ng mga hula at ayon sa kanila ito raw ay naisulat pagkatapos mangyari ang kanilang inihula. Sinuri ng pag-aaral ng . . . ang kanilang wika at napatunayang tama ang kanilang mga hula.

### Ika-151 Sagot


---



---



---



### Mga Pagkatuklas

Ang mga Kasulatang natuklasan sa Dagat na Patay ay patunay na ang mga hula tungkol sa pagkakabihag ay naisulat bago ito nangyari.

### Ika-152 Tanong

Pinatibayan ng arkeolohiya, medisina at palawikain ang katotohanan ng Biblia at may mahigpit na katibayang ito'y kinasihan ng Diyos

- a) dahil sa kanilang mga pagtatalo sa paksang ito.
- b) dahil sa karamihang boto ukol doon.
- k) dahil sa kanilang makasiyentipikong pagkatuklas.

### Ika-152 Sagot

---



---



---



---



---



---



## *Paano Natin Malalaman Na Ang Biblia Ay Salita Ng Diyos?*

### Mga Pagkatuklas

Sa kapanahunan ng Biblia, walang sinumang nakaalam na ang daigdig ay bilog at ang mga kapaligiran ay maaring masunog, nguni't kinasihan ng Diyos si Isaias at Pedro upang banggitin ang mga katotohanang ito.

### Ika-153 Takdang Aralin at Tanong

Basahin at lagyan ng pananda ang Isaias 40:22 at 2 Pedro 3:10-13. Ang ginawang pagtukoy sa bilog ng mundo at sa langitang nasusunog ay patunay na

- Si Isaias ay isang astronomo at si Pedro ay isang siyentipiko ng atomo
- kinasihan ng Diyos ang talatang ito.

### Ika-153 Sagot

---



---



---



---

### Kahusayan

Kapag ang isang aklat ay tunay na kinasihan ng pinakamarunong sa lahat, banal at mapagkawangawang Diyos, ito ay dapat na humigit sa lahat ng mga aklat sa katuruang moral. At ganito ang Biblia.

### Ika-154 na Takdang Aralin

Wala pang aklat pamantlikan ang makakapantay sa kagandahan ng Mga Awit, sa matatayog na kaisipan ng mga sulat, o ang pamanatayang moral ng mga turo ni Jesu-Cristo.

Sauluhin ito:

“Wala pa pong nagsalita nang gaya niya!” Juan 7:46



**Kahusayan**

Ang Biblia ay nakahihigit sa ibang aklat sa pagka't ito'y kilala sa buong daigdig. Tinagpo nito ang pangangailangan ng tao sa lahat ng kalagayan, sa lahat ng panahon, sa alinmang bansa, at kalinangan.

**Ika-155 Tanong**

Diyos lamang ang nakaalam ng puso ng tao at sa Kanya lamang maaaring magmula ang aklat na makapagbibigay kasiyahansa kailangan ng puso

- a) sa lumang panahon at kalinangang silanganin.
- b) saan man ito tinanggap sa bawa't panahon at kalinangan.

**Ika-155 Sagot**


---



---



---



---



---

**Kahusayan**

Ang simpleng kapahayagan ng malalalim nitong mga katotohanan ay nauunawaan maging ng mga bata na nasisiyahanang bumasa nito, samantalang ang mga matatalinong palaaral ay di makaunawa sa kalaliman nito.

**Ika-156 na Tanong**

Makikita natin ang kahusayan ng Biblia sa

- a) simpleng pagpapahayag ng mataimtim nitong katotohanan.
- b) pangyayaring ang matatalino lamang ang makababasa at kalulugdan yaon.
- k) matalimtim na kapahayagan ng payak nitong katotohanan.

**Ika-156 na Sagot**


---



---



---



---



---



---

*Paano Natin Malalaman Na Ang Biblia Ay Salita Ng Diyos?***Kahusayan**

Kapag binasa mo ang Biblia ng sandaang ulit, lagi kang makakakita ng isang bagay na bago magdudulot ng galak na hindi mo nasumpungan sa mga unang pagbabasa. Ang Diyos ay patuloy na nagsasalita sa iyo sa Kanyang aklat.

**Ika-157 Tanong**

Kapag mababasa natin ang isang aklat nang paull-ulit nang hindi tayo nanghihinawa, Ito'y tala-gang mahusay na aklat. Yaong sanay na sa pagbabasa ng Biblia ay

- kinalinipan ito matapos basahin ng ikalawang ulit.
- walang pagkaubos na pinagmumulan ng panibagong katotohanan at kaluguran.

**Ika-157 Sagot**


---



---



---



---



---



---

**Kahusayan**

Ang matibay na kapangyarihan ng kapahayagan ng Biblia ay mas mahusay kaysa sa mga haka-haka at mga palagay ng ibang aklat tungkol sa pinagmulan at hahantungan ng tao at ng kanyang kalikasang espirituwal.

**Ika-158 Tanong**

Ang kapangyarihang bumanggit ng Biblia sa mga bagay na Diyos lamang ang nakababatid ay siyang nagpapadama sa atin na

- katulad ito ng ibang mga aklat ng pabagubagong palagay at haka-haka
- ang mga manunulat ay kinasihan ng Diyos at hindi nagbabakasakali lamang.

**Ika-158 Sagot**


---



---



---



---



---



---

**Kahusayan**

Ang mga kautusang tinanggap ni Moises mula sa Diyos ay higit na mabuti kaysa sa mga kautusan ng panahong yaon. Ang mga batas ngayon ng mga pamahalaan ay salig sa mga utos na yaon.

**Ika-159 na Tanong**

Sapagka't ang mga pamahalaan sa ngayon ay kumikilala sa kahusayan ng mga utos ni Moises, at dito nakasalig ang kanilang saligang batas,

- a) ay katibayan ng pag-aangkin ni Moises na tinanggap niya ang kautusang mula sa Diyos.
- b) ay katibayan laban sa pag-aangkin ni Moises na tinanggap niya ang kautusan ng Diyos.

**Ika-159 na Sagot****Kahusayan**

Ang kahusayan ng Biblia, ay higit sa anupamang ginawa ng tao, ito'y naguudyok sa atin upang maniwala na ang mga katotohanan dito ay nagmula sa makapangharihan sa lahat.

**Ika-160 Tanong**

Tapusin ang mga katibayan

1. Mga B .....
2. P ..... at P .....
3. W.....M.....
4. Mga P.....
5. K.....
6. Pangalan ng Mayakda
7. Pagkatupad ng Hula
8. Pag-aalls ng Mapamillan
9. Pagkakaligtas

**Ika-160 Sagot**



*Paano Natin Malalaman Na Ang Biblia Ay Salita Ng Diyos?***Pangalan ng May-Akda**

Kapag nasa isang mahalagang aklat ang pangalan ng sumulat tinitiyak nating siya ang sumulat niyon. Sinasabi ng Biblia na ang Diyos ang siyang may-akda nito at kung paano Niya ito kinasihan.

**Ika-161 Takdang Aralin**

Lahat ng ..... ay kinasihan ng .....  
2 Timoteo 3:16.

Sapagka't ang hula ng mga propeta ay hindi nagbuhat sa kalooban ng .....; ito'y galing sa .....at ipinahayag ng mga taong kinasihan ng. ....  
2 Pedro 1:21.

**Ika-161 Sagot**


---



---



---



---



---



---

**Pagkatupad ng Hula**

Pag-aralang muli ang mga impormasyon at mga tanong bilang 79 hanggang 96. Ang pagkatupad ng mga hulag ito ay nagpapatunay na ito'y kinasihan ng Diyos.

**Ika-162 Takdang Aralin at Tanong**

Basahin ang Obadias 1:1; Micas 1:1; Nahum 1:1; Habacuc 1:1; 2:2. Ayon sa kanila ang mga hulag ito'y dumating sa kanilang na

- Isang matinding pagkintal sa isip.
- Isang pangitain ng ipinahayag ng Diyos ang mangyayari sa hinaharap.
- pag-aaralan ang kasalukuyang pangyayari sa daigdig.

**Ika-162 Sagot**


---



---



---



---



---



---

**Pagkatupad ng Hula**

Inilarawan ng mga propeta tulad nang sa isang pelikula ang pagkatatag at pagbagsak ng mga kaharian, gayundin ang pagkawasak at muling pagbubuo ng Jerusalem at iba pang hinaharap na mga pangyayari.

**Ika-163 Takdang Aralin at Tanong**

Basahin mo ang Micas 1:1; 3:8-12; 4:10; 5:11-14. Dinalang-bihag ang mga Hebreo sa Babilonia bilang parusa sa ginawa nilang pagsamba sa diyos-diyosan. Naganap ang hula ng mga propeta. At sa pagkakahula sa Micas . . . tumigil na sila sa kanilang pagsamba sa mga diyos-diyosan.

**Ika-163 Sagot**


---



---



---



---



---



---

**Pagkatupad ng Hula**

Hinulaan ni Isaias ang pagkabihag sa Israel ng Babilonya. Gayundin ang pagwawagi ng Medea laban sa Babilonya. Hinulaan ding isang nangangalang Ciro ang utos na ipagawang muli ang templo.

**Ika-164 na Takdang Aralin at Tanong**

Basahin mo sa Isaias 13:1,17-22; 44:28; 45:1-4; Ezra 1:1-4; Jeremias 25:14; 29:10-14; Natupad ang hula ni Isaias kay Ciro 159 taon bago pa ito ipanganak. Ang pagkabihag ay tumagal ng 70 taon ayon sa pagkahula ni .....

**Ika-164 na Sagot**


---



---



---



---



---



## *Paano Natin Malalaman Na Ang Biblia Ay Salita Ng Diyos?*

### **Pagkatupad ng Hula**

Sa kanyang sarili lamang, ang tao ay di makakahula sa mga darating na pangyayari. Ang tanging makatwirang paliwanag ukol sa hula ng Biblia na ito'y tama ay yaong kapahayagan na nagmumula sa pinakamataas na kapangyarihan.

### **Ika-165 Takdang Aralin**

**Basahin ang Mateo 1:22; 2:4-6; 3:1-3; 4:12-16; 8:16, 17; Isalas 53; Mga Gawa 2:14-21,31;3:18.**Natupad din ang napakaraming hula tungkol sa Mesias kay Jesus. Natupad din ang ilang hula tungkol sa Iglesya ngayon. Ang iba nama'y magaganap sa hinaharap.

### **Pag-aalis ng Mapamimilian**

Ang isang paraan ng pagtuklas sa gumawa ng isang kasulatan ay suriin ang lahat ng mga posibilidad at alisin ang mga di karapat-dapat.

### **Ika-166 na Takdang Aralin**

**Kopyahin ang mga posibilidad na ito, o mga mapagpipilian, bilang manunulat ng Biblia;**

1. Mabuti, masama, mandarayang mga tao, na sinulat ang kanilang mga palagay.
2. Mga taong kinasihan ni Satanas.
3. Mga taong kinasihan ng Diyos.



**Pag-aalis ng Mapamimilian**

Ayon sa mga taong sumulat ng Biblia sila'y kinasihan ng Diyos. Hindi sasabihin ng mga taong mabuti ang mga bagay na ito, kung alam nilang ito'y hindi totoo. Maaaring magawa nila kung sila'y dinaya o nagkamali.

**Ika-167 Tanong**

Hindi tayo makapaniwalang makasusulat ang mga taong mabuti ng Biblia ayon sa kanilang kaisipan pagka't

- a) hindi masasabi ng mga taong mabuti na sila'y kinasihan ng Diyos kung alam nilang ito'y hindi totoo.
- b) hindi ganitong aklat ang susulat ng mga taong mabuti.

**Ika-167 Sagot**


---



---



---



---

**Pag-aalis ng Mapamimilian**

Ang kahusayan, karunungan at walang mali ng Biblia ay di nagmula sa mga kulang-kulang ang isip, o nalilinlang. Ang mga taong mabuti na nalinlang ay di makasusulat nito.

**Ika-168 Tanong**

Ang kahusayan ng nilalaman ng Biblia ay tumitiyak sa ating Ito ay hindi isinulat ng

- a) mga taong mabuti na kinasihan ng Diyos.
- b) mga taong mabuti na dinaya, nalinlang o naipagkamalang sila'y kinasihan ng Diyos.

**Ika-168 Sagot**


---



---



---



---

*Paano Natin Malalaman Na Ang Biblia Ay Salita Ng Diyos?***Pag-aalis ng Mapamimilian**

Ang mga taong masasama ay di maaaring makalikha ng aklat na maharlika at dakila ang mga kaisipan, at hindi nila hahatulan ang kaniilang sariling mga kasalanan katulad ng ginagawa ng Biblia.

**Ika-169 na Takdang Aralin**

Hindi namin tinatanggap na maaaring masasamang tao ang sumulat ng Biblia pagka't hindi tayo makapaninilwalang

- sila'y magiging mabuting tagasulat ng kasaysayan.
- sila'y magkakaroon ng matayog na kaisipan at pagkatapos ay isumpa ang kanilang mga ginawa.
- sila'y nakasulat tungkol sa rellhiyon.

**Ika-169 na Sagot**


---



---



---



---

**Pag-aalis ng Mapamimilian**

Sapagka't mahirap mangyaring mahulaang tumpak ng tao ang kinabukasan, kaya't naniwala tayong hindi maaaring makahula ang sinumang kung walang inspirasyon buhat sa pinakamataas na kapangyarihan.

**Ika-170 Takdang Aralin**

Dahil sa tumpak na katutuparan ng mga hula sa Biblia, ito'y nag-uudyok sa atin na alisin ang mga manunulat na

- mga taong mabubuti, masasama o dinaya ang sarili sa pagsusulat ng kanilang kaisipan.
- mga taong kinasihan ni Satanas.
- mga taong kinasihan ng Diyos.

**Ika-170 Sagot**


---



---



---



---



### Pag-aalis ng Mapamimilian

Ang Biblia ay lumalaban sa masama, isinsumpa si Satanas at hinulaan ang kanyang pagkabigo at kaparusahan. Hindi kakasihhan ni Satanas ang mga tao na sumulat ng mga bagay na ito.

### Ika-171 Takdang Aralin

Mahirap paniwalaang kinasihhan ni Satanas ang Biblia pagka't

- a) Hindi niya mahuhulaan ang kinabukasan.
- b) Hindi niya kinasihhan ang mga tao upang sumulat ng kahit anong aklat.
- k) hindi itataguyod ang mabuti at susumpain ang kasamaan tulad ng ginawa ng Biblia.

### Ika-171 Sagot

---



---



---



---



---



---

### Pag-aalis ng Mapamimilian

Ayon sa makatwirang paraan ng pag-aalis ng mga mapamimilian, tayo'y humantong sa pagsiyang walang pasubali na manunulat ng Biblia.

### Ika-172 Takdang Aralin

Muling pag-aralan ang balangkas ng Pag-aalis ng Mapamimilian at saka magsanay na gamitin ito sa pangangatwirang kinasihhan ng Diyos ang Biblia. Gamitin ang mga mapamimilian na para bang gumagamit ka ng pisara sa pagtuturo ng klase. Tandaan ang bawat inaalis mo sa mapamimilian.

### Ika-172 Sagot

---



---



---



---



---



---

*Paano Natin Maialaman Na Ang Biblia Ay Salita Ng Diyos?***Pagkaligtas**

Ang ibang bahagi ng Biblia ay may 3,500 taong gulang na. Yaon namang pinakabago ay may 1,900 taon na. Ito'y palatandaang kinalinga ng Diyos ang Kanyang Salita.

**Ika-173 Takdang Aralin**

Katunayan ng kalinga ng Diyos sa Kanyang Salita ay ang pangyayaring ginagamit pa natin hanggang ngayon ang aklat na naisulat

- mula 1,900 hanggang 3,500 taong gulang.
- mula sa 1,000 hanggang 2,000 taong gulang.
- mula 400 hanggang 500 taong gulang

**Ika-173 Sagot**


---



---



---



---



---

**Pagkaligtas**

Ang panahon ang pinakamasamang kalaban ng maraming aklat. Ito'y lumilipas at hindi na kinagigiliwan at pagkatapos ay nawala nang tuluyan. Nguni't ang Biblia'y hindi kailanman lumilipas.

**Ika-174 na Takdang Aralin**

Bagama't napakatanda na ang Biblia, narito ang mga kalutasan para sa kasalukuyan (ika-20 siglo) at isang pinakamabali at kinagigiliwang aklat ngayon, ay patunay na

- lalong nagiging tanyag ang mga aklat habang ito'y naluluma.
- kailanman hindi naluluma ang Biblia pagka't ito'y Salita ng Diyos.

**Ika-174 na Sagot**


---



---



---



---



---



---

**Pagkaligtas**

Hinulaan ng isang bati-  
kang manunulat na  
Pranses, si Voltaire, na  
sa loob ng susunod na  
100 taon ang kanyang  
mga aklat ay kagigili-  
wang basahin kahit  
saan, samantalang ang  
Biblia ay matatagpuan  
lamang sa mga museo.

**Ika-175 Takdang Aralin**

Ayon sa isang mapag-  
alinlangang manunulat  
na Pranses, ang Biblia ay

- a) lalong magiging tanyag at kagigiliwang babasahin sa loob ng 100 taon.
- b) matatagpuan lamang sa mga museo sa loob ng 100 taon.

**Ika-175 Sagot**


---



---



---



---



---

**Pagkaligtas**

Sa loob ng 100 taon  
ang Biblia ay higit na  
kinagigiliwang basahin.

**Ika-176 na Takdang Aralin**

Alin sa palagay mo ang  
pinakatanyag na aklat  
ngayon?

- a) Ang Biblia na nababasa ngayon (na ang ilang bahagi ay naisaln sa 1,300 wika) ng mga tao.
- b) Ang mga aklat ni Voltaire na makikita sa maraming silid-aklatan.

**Ika-176 na Sagot**


---



---



---



---



---



*Paano Natin Malalaman Na Ang Biblia Ay Salita Ng Diyos?***Pagkaligtas**

May mga haring sinikap na sirain ang bawa't Biblia at pinarusahan ng kamatayan ang sinumang humasa niyon. Tinuligsa ito ng mahigpit ng mga tagapuna. Nguni't nakapagtatagumpay lagi ang Biblia laban sa kanyang mga kalaban.

**Ika-177 Takdang Aralin**

Sauluhin mo ito

Ang lahat ng tao ay gaya ng damo, gaya ng bulaklak nito, ang lahat niyang kariktan. Ang damo ay natutuyo, at nalalanta ang bulaklak nguni't ang Salita ng Panginoon ay mamamalagi kailanman. I Pedro 1:24, 25.

**Ika-177 Sagot**


---



---



---



---



---

**Pagkaligtas**

Ang Biblia ay nakaligtas sa pagsubok ng panahon, sa pagtuligsa ng mga tagapuna, at sa mga pagsusumikap na pagwasak ng nga kopya nito. Bakit? Sa dahilang ito'y Salita ng Diyos!

**Ika-178 Takdang Aralin**

**Katibayan: Ano ang mga bumubuo ng katibayan ng Biblia?**

**Ika-178 Sagot**


---



---



---



---



---



---



### Mga Katibayan

Marami pang mga katibayan na ang Biblia ay kinasihan nguni't sapat na ito upang tanggapin natin ang katotohanan ng Salita ng Diyos at isalig ang ating pamuhay sa Kanyang aral.

### Ika-179 na Takdang Aralin

1. Isulat ng walang kinokopyahan ang siyam na katibayan na ang Biblia ay kinasihan ng Diyos.
2. Gumawa ng maikling sulat sa iyong guro, o pampurok na tagapamahala sa "correspondence school" tungkol sa mga nakuha mong kapakinabangan sa kursong ito. Ilakip na rin dito ang anumang tanong o nais mong ipanangalan.

---

### MALIGAYANG BATI!

Natapos mo nang pag-aralan ang ikalawang bahagi ng "ANG IYONG BIBLIA." Sa mga natapos na Tala ng Mag-aaral para sa bawa't aralin, ikaw ay tatanggap ng isang katibayan ng pagtatapos sa kurso.

Tandaan, ang edukasyong Cristiano ay dapat na lumago araw-araw. Marami pang mga kurso ng ICI na nakahanda.

Bakit di ka magpadala ng donasyon sa ICI at magpatala sa susunod na serye ng pag-aaral sa Biblia.

INTERNATIONAL CORRESPONDENCE INSTITUTE

P. O. Box 1084  
Manila



*Paano Natin Malalaman Na Ang Biblia Ay Salita Ng Diyos?*

**MGA TAMANG SAGOT SA IKA-7 ARALIN**

- Ika-132 Sagot**  
k) "Tunay bang sinabi ng Diyos?"
- Ika-133 Sagot**  
b) maalisan tayo ng sandata at gawin tayong kanyang mga biktima.
- Ika-134 na Sagot**  
k) katipunan ng mga alamat at mga pabula o mga kuwentong di totoo.
- Ika-137 Sagot**  
bunga
- Ika-138 Sagot**  
a) Aklat ng Diyos na sa pamamagitan nito siya ay gumagawa sa tao.
- Ika-139 na Sagot**  
b) ibinigay ng Diyos ang mga tagubilin
- Ika-141 Sagot**  
pagkaka-iba
- Ika-142 Sagot**  
Bunga
- Pagkakaiba-iba at pagkakaisa
- Ika-143 Sagot**  
a) pagsandigan ng ating pagtitiwala.
- Ika-144 na Sagot**  
Diyos
- Ika-145 Sagot**  
Walang mali, katibayan
- Ika-146 na Sagot**  
b) bahagi ng kawalan ng kamalian at ito'y naisulat mula sa panig ng Diyos.
- Ika-147 Sagot**  
b) hindi binabanggit sa ibang mga talang pangkasaysayan.
- Ika-148 Sagot**  
k) arkeolohiya
- Ika-149 na Sagot**  
Mga pagkatuklas
- Ika-150 Sagot**  
b) pinakamahusay para kalusugan.
- Ika-151 Sagot**  
Palawikain
- Ika-152 Sagot**  
k) dahil sa kanilang makasiyentipikong pagkatuklas.
- Ika-153 Sagot**  
b) kinasihan ng Diyos ang talatang ito.
- Ika-155 Sagot**  
b) saan man ito tinanggap sa bawa't panahon at kalinangan.
- Ika-156 na Sagot**  
a) simpleng pagpapahayag ng mataimtim nitong katotohanan.
- Ika-157 Sagot**  
b) walang pagkaubos na pinagmulan ng panibagong katotohanan at kaluguran.
- Ika-158 Sagot**  
b) ang mga manunulat ay kinasihan ng Diyos at hindi nagbasakali lamang.

## MGA TAMANG SAGOT SA IKA-7 ARALIN

**Ika-159 na Sagot**

- a) ay katibayan ng pag-aangkin ni Moises na tinanggap niya ang kautusan mula sa Diyos.

**Ika-160 Sagot**

1. Bunga
2. Pagkakaiba-iba at pagkakaisa
3. Walang Mali
4. Pagkakatuklas
5. Kahusayan

**Ika-161 Sagot**

kasulatan  
Diyos  
Tao  
Diyos  
Espiritu Santo

**Ika-162 Sagot**

- b) isang pangitain na ipinahayag ng Diyos ang mangyayari sa hinaharap

**Ika-163 Sagot**

Micas 5:13

**Ika-164 na Sagot**

Jeremias

**Ika-167 Sagot**

- a) hindi masasabi ng mga taong mabuti na sila'y kinasihan ng Diyos kung alam nilang ito'y hindi totoo.

**Ika-168 Sagot**

- b) mga taong mabuti na dinaya, nalinlang, o naipagkamalang sila'y kinasihan ng Diyos.

**Ika-169 na Sagot**

- b) Sila'y magkakaroon ng matayog na kaisipan at pagkatapos ay isumpa ang kanilang mga ginawa.

**Ika-170 Sagot**

- a) mga taong mabubuti, masasama o dinaya ang sarili sa pagsusulat ng kanilang kaisipan.

**Ika-171 Sagot**

- k) hindi itataguyod ang mabuti at susumpain ang kasamaan tulad

ng ginawa ng Biblia.

**Ika-173 Sagot**

- a) mula 1900 hanggang 3,500 taong gulang

**Ika-174 na Sagot**

- b) kailanman hindi naluluma ang Biblia pagka't ito'y Salita ng Diyos.

**Ika-175 Sagot**

- b) matatagpuan lamang sa mga museo sa loob ng 100 taon.

**Ika-176 na Sagot**

- a) ang Biblia na nababasa ngayon (na ang ilang bahagi ay naisalin na sa 1,300 mga wika), ng mga tao.

**Ika-178 Sagot**

Tingnan ang iyong sagot sa ika-136 na takdang aralin sa pahina 92.

# "ANG IYONG BIBLIA"

## Tala ng Mag-aaral at Pagsusulit



INTERNATIONAL CORRESPONDENCE INSTITUTE  
PHILIPPINE NATIONAL OFFICE - P. O. BOX 1084 - MANILA

Petsa \_\_\_\_\_

Mangyaring isulat ng malinaw:

PANGALAN \_\_\_\_\_

TIRAHAN \_\_\_\_\_

Pangalan ng Iglesia \_\_\_\_\_

at Address \_\_\_\_\_

Pangalan ng Pastor \_\_\_\_\_

Mahalaga: Mangyaring sulatan ang TALA NG MAG-AARAL AT PAGESUSULIT at ipadala ito sa ICI Philippine National Office, P. O. Box 1084, Manila

### Aralin 5 at 6 – Mga Aklat ng Biblia

Isulat ang talaan ng mga pangalan ng mga Aklat sa Biblia ayon sa kanilang kinabibilangang pagkabukod-bukod. Ipadala ang talaang ito kasama ng "Tala ng Mag-aaral" pagkatapos mo ng Aralin 7.

### Aralin 7 – Paano Natin Malalaman na ang Biblia ay Salita ng Diyos.

1. Lahat ng mga talata ng Biblia sa aklat na ito na ipinasasaulo sa iyo ay nakatala dito:


Aralin	Talata sa Biblia	Iniwasto ni
2	Mateo 4:4 Awit 119:103 Juan 8:32	_____

3	2 Pedro 1:21 I Corinto 10:11	_____
4	Mga Gawa 1:8	_____
5	Unang 17 mga aklat ng Biblia	_____
7	Juan 7:46 I Pedro 1:24,25	_____

**MAHALAGA:**

Mangyaring tanggalin ang pahinang ito at ipadala agad sa:

**INTERNATIONAL CORRESPONDENCE INSTITUTE  
P. O. Box 1084  
Manila**



*Nais mo bang malaman . . .*

- paano makatutulong sa iyo ang Biblia?
- bakit at paano ito nasulat?
- ano ang paksa nito?
- paano natin malalaman na ito ay kinasihang?

Kung gayon, **ANG IYONG BIBLIA** ay naisulat para sa iyo. May bagong paraan ito sa pagtuturo sa sarili kaya't maaari mong . . . . .

- matutuhan ito ng madali.
- maalaala ito ng higit na matagal.
- ikagalak ito habang pinag-aaralan.

Ang pag-aaral ng **ANG IYONG BIBLIA** ay katulad ng isang laro. Sundan mo lamang ang mga tagubilin at subukan ang iyong nalalaman habang ikaw ay nag-aaral. Ang libu-libong nakapag-aral nito ay natutuwa kung gaano karami at kadali silang natututo. Ang mga tagapagturo sa maraming bansa ay iminumungkahi ito.